

Izjava OHR-a na konferenciji za medije međunarodnih organizacija

Sastanak Upravnog odbora Vijeća za provedbu mira na nivou političkih direktora

Sastanak Upravnog odbora Vijeća za provedbu mira na nivou političkih direktora će se završiti danas. Kao i obično, poslaćemo Komunique u ime Vijeća za provedbu mira tokom poslijepodneva.

Zbog važnosti ovog sastanka Vijeća u ovoj fazi procesa reformi, visoki predstavnik Paddy Ashdown održat će konferenciju za medije danas, 1. aprila 2004. godine u 15.00 sati u prostorijama OHR-a.

Jutros su predsjedavajući Vijeća ministara Adnan Terzić, ministar vanjskih poslova BiH Mladen Ivanić, ministar odbrane BiH Nikola Radovanović, te entitetski premijeri Dragan Mikerević i Ahmet Hadžipašić, izvijestili Upravni odbor o statusu programa reformi u BiH, informirajući ih, između ostalog, o naporima za pripremu BiH za članstvo u NATO-ovom programu Partnerstvo za mir i početku pregovora sa Evropskom unijom o sporazumu o stabilizaciji i pridruživanju.

Prvi zamjenik visokog predstavnika u Tokiju

Moody investitorska služba je dodijelila ove sedmice Bosni i Hercegovini njen prvi kreditni rejting, što predstavlja pozitivan stav prema ekonomiji u BiH, konstatirajući da trenutni B3 rejting može biti poboljšán u periodu između 6 i 18 mjeseci.

Ovaj i drugi napretci postignuti u Bosni i Hercegovini će biti glavni sadržaj govora Prvog visokog predstavnika Donalda Haysa u Tokiju u ponedjeljak 5. aprila na

Ministarskoj konferenciji o konsolidaciji mira i privrednog razvoja na Zapadnom Balkanu. Konferencijom kopredsjedavaju vlade Japana i Irske, države koja predsjedava Evropskom unijom.

“Skoro čitavu deceniju gradimo temelje za poslijeratni oporavak” reći će ambasador Hays u Tokiju, naglašavajući da “bh. građani sada trebaju da izvuku koristi.”

Ministar vanjskih poslova Mladen Ivanić i ministar vanjske trgovine Dragan Doko pridružiti će se ambasadoru Haysu u Tokiju, gdje će prezentirati teme kao što su namjere BiH da se izgrađuje na temeljima ekonomskog oporavka te planovima za razvoj prosperitetne budućnosti BiH

Cilj prvog zamjenika visokog predstavnika je da na ovoj konferenciji naglasi mogućnosti koje mogu proistći za BiH kroz trgovinu i poslovanje sa partnerima širom svijeta.